

AWEMainta

E DIFERENCIA DEN NOTICIA

INICIANDO SU BISHITA DI TRABOU NA ARUBA, **SECRETARIO DI ESTADO ALEXANDRA VAN HUFFELEN A REUNI CU PROME MINISTER Y CU DIFERENTE DEPARTAMENTO DI GOBIERNO**



**MINISTER GEOFFREY WEVER NA HULANDA:
“BUSCANDO LA QUINTA PATA AL GATO”**

**GOBIERNO BUSCANDO INVERSIONISTA
CAFT CUESTIONANDO FALTA DI INVERSION DI GABINETE WEVER CROES II**

GABINETE WEVER-CROES LO SIGUI NEGOCIA PA REDUCI E CANTIDAD DI CAMBERNAN NA ARUBA



Tired of **Manually** Processing Forms?



- Digital Processing of Purchase Invoices and more
- Seamless Integration with most Financial Software
- Complete Control of Authorizations via Workflows



This OCR software scans any kind of document and automatically fills the data in your preferred financial/ERP software!

TEL. 583-7072 | info@vcc-int.com | www.vcc-int.com

Iniciando su bishita di trabou na Aruba,

Secretario di Estado Alexandra van Huffelen a reuni cu Prome Minister y cu diferente Departamento di Gobierno



DIARANSON mainta 20 di maart, Prome Minister Evelyn Wever-Croes a reuni cu Secretario di Estado Alexandra Van Huffelen y su delegacion. Ayera t'e prome dia di varios reunion cu tin planea entre Secretario van Huffelen y diferente departamento di Gobierno di Aruba.

E prome reunion tawata cu Departamento di Impuesto (DIMP) hunto cu Minister di Finansa Xiomara Maduro. Aki DIMP a duna un presentacion riba locual nan departamento ta haciendo den cuadro di e Landspakket. Un presentacion interesante den cua e departamento a muestra riba avancen grandi cu tin y cu practicamente a elimina tur atraso cu excepcion di e proyecto di bezwaarschrift.

Por bisa si cu ya tin cambio den esaki mirando cu actualmente ora bo yena e formulario e tempo di espera pa bo haya un contesta riba bo caso a bira menos cual ta algo hopi positivo. Tambe algo sumamente positivo ta e desaroyo den e departamento mes specialmente despues di e BBO bij invoer.

E siguiente reunion tawata cu e Departamento di Recurso Humano (DRH) unda e departamento a duna un presentacion amplio riba varios proyecto den cuadro di e Landspakket. Durante e presentacion aki Prome Minister a keda hopi satisfecho di por a wak e disminucion di cifra di "empleadonan non-actief" cu ora Gabinete Wever-Croes a drenta gobierno tawata di mas di 80 personal y awor ta solamente 8.

Mescos e porcentahe di e "ziekte verzuim" e asina yama AO, a baha di 8% pa 6%. Tambe a muestra riba e bon resultadonan di e "prestatie management systeem", esaki t'e sistema di evaluacion cu a wordo introduci pa empleadonan publico.



Despues Prome Minister y Secretario di Estado a reuni y a papia riba e procesonan en general di e Landspakket y kico lo ta e prioridadnan pa cu esaki. Prome Minister a remarca cu na aña 2023 durante un reunion cu Minister Rob Jetten, a anuncia cu lo tin fondonan disponibel pa Aruba y durante e reunion di ayera Prome Minister a haya informacion cu e procesonan pa esaki lo keda cla pa mediano di e aña aki y Aruba lo tin acceso na e fondonan aki pa prome di januari 2025.

Prome Minister a indica cu en general, e reunionnan a bay bon y cu tin varios reunion mas riba agenda, entre otro cu AZV, Departamento di Enseñansa y tambe Secretario van Huffelen lo topa cu e "trekker-nan" kendenan ta e personanan encarga cu e mas di 100 tarea den cuadro di e Landspakket.

"Y naturalmente nos lo atende tambe e refinanciamiento di e debe y e interes abou pa Aruba. Te awo reunionnan ta bayendo bon y mi tin fe y confianza cu e otro reunionnan tambe lo bay bon", Prome Minister a enfatisa.

Minister Geoffrey Wever na Hulanda:

“Buscando la quinta pata al gato”

UN proverbio Spaño pero cu ta tipifica y splica grandemente e biahe cu Minister di Economia Geoffrey Wever ta haciendo na Hulanda e siman aki, caminda e lo atende un asina yama “*Investment Summit*” organisa pa Gabinete Wever Croes II en cooperacion cu Arubahuis.

Sin embargo pa hopi den comunidad a surgi cierto duda kico realmente Minister Wever y su gobierno ta haciendo, ya cu e biahe no tin hustificacion “*real*” pa e wordo haci y na mes momento, e no tin un balor agrega su gobierno di Minister Wever mes, no por soluciona cierto asuntonan aki na cas mes.

Minister Geoffrey Wever mes a anuncia den declaracion cu e motibo di su biahe ta pa busca inversionistanan Hulandes pa bin aki y participa den e desaroyo economico di Aruba y pa e biahe aki, el a forma un delegacion cu comerciantenan di Aruba pa participa den e biahe peculiar aki.

Durante varios biahe realisa pa ministernan di Gabinete Wever Croes, den varios di e reunionnan aki, a hiba e tipo di discusionnan aki confirmando un biaha mas cu Minister Wever kier inventa e wiel di nobo mientras cu na e momentonan aki, esaki no ta factibel.

Na final di aña 2023, colega di Minister Wever, esta Glenbert Croes tambe a biaha pa Hulanda, a reuni cu entre otro e compania Shell y otronan relaciona cu un proyecto pa un central hidrogeno loke no a resulta mucho factibel.

Minister Glenbert Croes e ora a dicidi di bandona e discusion y negociacionnan cu representantenan Hulandes, a bula bay Madrid, Spaña caminda el a reuni c’un compania di e nomber ACCION Energia pa nan bin establece aki na Aruba, sin aclaria kico a para cu negociacionnan cu companianan Hulandes.

LISTA

Na su salida pa Hulanda, Minister Wever entre otro a muestra cu e lo informa inversionistanan Hulandes riba “*inversionnan*” cu su gobierno a bin ta haciendo tanto na Oranjestad como San Nicolas y loke mas a hala atencion sin duda, ta cu e lo elabora cu inversionistanan Hulandes riba e punto di “*waist management*” cu ta algo cu supuestamente ya caba su colega di Gabinete y tambe socio di partido RAIZ, esta Ursell Arends, a bin ta ehecutando caba.

Tambe Minister di RAIZ lo papia riba posibilidad artistico y

creativo cu e bario di San Nicolas ta representa y pa hinca tur e programa aki den otro, el a reuni cu representantenan di VNO, tambe d KvK y a muestra cu no tabatin mucho interes di parti di comerciantenan di San Nicolas.

Entre otro segun e minister di RAIZ, lo hiba deliberacion riba proyectonan di agricultura caminda entre otro ya el a reunion ayera c’un grupo specialisa den e tipo di proyectonan aki, siendo cu pa varios aña caba y casi tur gobierno cu Aruba a conoce despues di Status Aparte, a purba di lanta e interes Hulandes pa e tipo di proyectonan aki na Aruba.

Mas resaltante ta e hecho cu e propio Minister Wever den su entrevista ta declara cu e tipo di proyectonan aki ta masha costoso mes y na mes momento el a menciona un inversionista Arubiano cu a inicia c’un proyecto asina pero no por a sigui ya cu e ta demasiado costoso.

E parti bon di e biahe di Minister Geoffrey Wever, ta cu un biaha mas presencia di miembronan di Gabinete Wever Croes II, ta sumamente bisto aya na Den Haag.

Pa e motibonan aki tin cu señala cu loke gobierno di Aruba ta haciendo cu Minister Geoffrey Wever como su representante ta segun e proverbio ta señala, esta cu Wever “buscando la quinta pata al gato” y e lo no logra den esaki!!



Gobierno buscando inversionista

CAft cuestionando falta di inversion di Gabinete Wever Croes II

PRACTICAMENTE tur Minister di Gabinete Wever Croes II, for di 2021 bin ariba, a biaha na varios ocasion pa Hulanda, buscando inversionistanan Hulandes pa bin establece nan mes na Aruba y haci negoshi for di e isla pa henter e region grandi cu tin.

Diamars tabata turno di Minister Geoffrey Wever pa biaha pa Den Haag pa reuni cu varios comerciante y pa e ocasion aki gobierno di Aruba a organisa un 'investment summit' algo cu inicialmente ningun hende tabata na altura di esaki.

Segun gobierno actual, ta buscando inversionista pa b in hinca placa den economia di e isla aki, mientras cu realmente gobierno no tin plan concreto con pa logra esaki y cual tipo di negoshi nan lo kier pa Hulandesnan inverti aki nan.

Minister Wever a menciona entre otro e punto di "waist management" pero ya for di algun aña caba, gobierno tin como aliado pa e proyecto aki e compania local Ecotec cu ta trahando cu Minister Ursell Arends den solucion di su maneho pa loke ta asunto di sushi domestico y otro tiponan.

Asombroso di e biahe di Minister Wever pa Hulanda, ta cu dia 14 di Maart 2024, pues siman pasa, net un siman pasa, cu e comision di supervision financiero, esta CAft, a dirigi un carta na Minister Xiomara Maduro y su gobierno, caminda entre otro ta cuestiona e maneho di gobierno di Aruba pa loke ta inversionnan cu NO ta wordo haci.

CAft a muestra den su reportahe aki lo siguiente:

"Het CAft merkt op dat de realisatie van investeringen sterk achterblijft.

Tot en met het derde kwartaal 2023 is AWG 3 miljoen generaliseerd aan investeringen, terwijl de nog uitstaande verplac-

htingen AWG 49 miljoen bedragen. Het CAft constateert een reëel risico op onderbesteding."

Ta un observacion cu ta confirma e falta di vision di Gobierno pa inverti den su prioridadnan sigur ora cu tin varios asunto di vital importancia pa atende pero Gabinete Wever Croes II ta laga e placa aki pasa bay sin atende cu e asuntonan URGENTE aki.

CAft ta muestra cu gobierno a inverti solamente un suma di 3 mion florin pa henter 2024 mientras cu e mesun gobierno aki a pone den e presupuesto di 2023, cu e tin mas cu 50 mion pa inverti y cual no a tuma luga.

Tur e placa ey mientras cu gobierno aki ta coriendo riesgo grandi pa loke ta e planta di purificacion di awa na Bubali, esta e RZWI mientras cu KIA tambe ta gritando pa placa pa drecha e luga y amplia su capacidad.

Ta problemanan c'un gobierno caminda CAft a muestra den su carta di siman pasa cu Gabinete Wever Croes II tin un surplus di 200 MIYON florin pa loke ta presupuesto 2023 pero loke ta bolbe confirma e falta di un vision realistico di e actual gobierno con tin cu goberna e pais aki.

Den su afan pa haci politica partidista purbando pa establece e base politico pa campaña pa eleccion 2025, e partido mas grandi MEP a bin ta publicando cierto "logronan" di su gobierno den cual tambe e organizacion politico aki a considera e Secrets Hotel como un proyecto di e actual gobierno.

Pa algun aña caba e gobierno aki pa medio principalmente di Minister Glenbert Croes di energia, a sigura proyec-tonan grandi manera Eagle LNG, tambe di un planta di gas hidrogeno tur cos riba tereno di refinaria mientras cu den pasado e mesun mandatario aki a yega di crea un "Citgo Desk Job" pa sigura cu yunan di tera lo haya trabou na momento cu e gobierno di MEP efectua reapertura di e refinaria.

E plan di revitalisacion di San Nicolas a wordo presenta Minister Wever dia 26 di April di 2023 y ta bay cumpli un aña cu a presenta e diseñonan pero ehecucion di e proyecto aki, ningun caminda ta visibel!!

 **AWEMainta**

**CLICK AKI PA MANDA BO
OPINION OF COMENTARIO**

E-MAIL NA NOTICIA@AWEMAINTA.COM

Gabinete Wever-Croes lo sigui negocia pa reduci e cantidad di cambenan na Aruba

PROME Minister Evelyn Wever-Croes a indica cu na momento cu Gabinete Wever-Croes a drenta gobierno, a encontra compromisonan haci p'e gobierno anterior, pa construccion di un total di 7000 camber di hotel nobo na Aruba. Mirando cu e cantidad aki ta hopi halto, y pais Aruba no lo por charge, a cuminsa cu negociacionnan pa purba na reduci esaki.

Durante e negociacionnan, algun hotel a bay di acuerdo pero otronan a nenga, di cual ainda e casonan ey ta den corte. Actualmente, gobierno a logra reduci e cantidad na 2000 camber, y lo sigui cu negociacionnan pa baha esaki



ainda mas.

Prome Minister a expresa di ta ful di acuerdo cu e lema di “**No More Hotels**”, y lo sigui traha na mantene Aruba, como e destinacion turistico mas gusta pa su bishitantenan.

Ta pidi informacion pa cu e caso di e feto encontra riba 10 maart 2024

DIADOMINGO 10 maart 2024 pa 13:05 central di polis ta wordo notifica pa un persona cu nan a bin contra cu un Feto. E prome informe cu central di polis ta haya ta cu segun e personanan e ta muestra di ta trata un animal morto y e tabata dera den santo pero nan no ta sigur.

Central di polis ta despacha patruya na un rancho na “Piedra Cora” situa banda di caminda poco prome cu yega Natural Bridge. Patruya ta yega na e sitio menciona y ta confirma cu di berdad ta trata di un feto morto lora den paña. A dirigi e team forensico di polis na e sitio y ta bin constata cu ta trata di un feto humano y no un feto di animal.

E mesun dia pa 14:30 fiscal a laga tuma e feto pa investigacion. Dia 11 maart 2024 Dr. Texier a haci autopsia riba e feto y a constata cu ta trata di un feto masculino di mas o menos cinco pa seis luna den desaroyo y cu ta trata di un caso cu lo mester a pasa sea un of dos dia prome cu 10 maart 2024.

Si tin cualkier persona cu sa algo di e caso y si tin cualkier persona cu por a mira algo, por yama departamento di Jeugd- en Zedenpolitie (J.Z.P.) na 281 3180 of por yama tipline di polis na number 11141 si bo persona ta desea di keda anonimo.

EXECUTORIALE VERKOOP (AUCTION)

Executieveiling in opdracht van de hypotheekverstrekker; openbare verkoop krachtens artikel 3:268 van het Burgerlijk Wetboek van Aruba van de volgende onroerende zaken:

SERO BLANCO 54-D

een perceel eigendomsgrond, groot 481m², gelegen te Sero Blanco, kadastraal bekend als Eerste Afdeling Sectie P Nummer 1334.

Inzetprijs: Afl. 656.000;

Onderhandse biedingen mogelijk.

De openbare verkoop vindt plaats eerst bij opbod en vervolgens bij afmijning op
17 april 2024, om 10:00 uur

ten overstaan van notaris mr. **C.M.A. Helmeyer**, notaris in Aruba, in de veilingzaal van Surfside Marina (Dolphin Room) aan de L.G. Smith Boulevard 7 in Aruba.

Let op:

In het geval onderhandse bieding (nog) mogelijk is, kunnen potentiële kopers hun bieding(en) uitbrengen door het invullen van een door notariskantoor Helmeyer opgesteld biedformulier, met overlegging van een bankgarantie en geldig identiteitsbewijs. De bieding dient uiterlijk 14 dagen vóór datum van openbare veiling, schriftelijk en onvoorwaardelijk te worden ingeleverd op het kantoor van Notaris Helmeyer.

De veilingvoorwaarden zullen uiterlijk 8 dagen voor de verkoopdatum beschikbaar zijn op het kantoor van Notaris Helmeyer.

Notariskantoor Helmeyer

Elleboogstraat 11-13

Tel: 280-2020 / WhatsApp: 699-2820

veiling@notarishelmeyer.com / auction@notarishelmeyer.com

www.notarishelmeyer.com

DI TODO UN POCO PA REFLEXIONA

NOS a caba di celebra nos Dia Nacional, Dia di Himno y Bandera, manera e ta wordo yama. Hopi actividad tabatin e fin di siman, prome cu e dia mes, esta 18 di maart. Fecha 18 di maart sigur ta uno historico, no solamente pa inauguracion di nos bandera y himno, pero tin un historia largo di e lucha di Aruba, cu a bin desemboca den nos Status Aparte, como un fase transitorio pa despues di 10 aña bira Independiente. Pero cu na caminda decision a cay pa scrap e fecha di Independencia, te cu awe.

MIENTRAS cu awe nos ta den un situacion, cu hopi ta bisa, cu Aruba ta cay bao di maneho di Reino Hulandes, entregando tur e lucha hiba anteriormente. Pero esaki ta pasobra nos politico/gobernantenan mes a causa esaki, pa cual Hulanda kier muestra cu nos no por para riba nos mesun pia (ainda).

Y por bisa cu n'e acto protocolario di dialuna ultimo, Secretario di Estado, Alexandra van Huffelen, no a percura pa ta presente, pero a dicidi pa bin un dia despues pa sigui "negocia" cu Aruba pa firma e RAFT. E hecho aki ta uno demostrativo di protesta, pasobra si cos tabata bon, van Huffelen lo a percura p'e ta presente dia 18 di maart. Ya caba den Tweede Kamer el a declara bon cla cu Prome Minister di Aruba no ta di confia y sigur bo no por kere den loke e ta predica.

BUNITA sigur tabata e Acto Protocolario y e defile cu a sigui. Loke si a yama nos atencion, tabata e hecho di mira hopi lider masha obeso. Nan cu mester ta lider pa duna ehempel. Departamento di Salud y esnan involvi den Deporte, manera IBISA mester cuminsa haci algo n'esaki. De lo contrario Aruba lo no ta un Happy Island mas, pero un Isla Obeso.

LOKE tambe cu a hala atencion tabata e acto di protesta cu tabata dialuna mainta aki. Un grupo di hoben a bin dilanti pa manifesta di no kier mas hotel, no kier mas turista. Straño no? Ta kende ta tras di e manifestacion aki? Ta bon pa investiga.

SU partido a gana eleccion den ultimo eleccion na Hulanda, y manera custumber, lider di e partido ganado ta bira e Prome Minister di e pais. Pero Geert Wilders, kende t'e persona pa bira e proximo Prome Minister a dicidi pa gradici p'e honor y lo bira lider di su partido den Tweede Kamer. Y asina duna espacio amplio pa logra un Gobierno di Coalicion. Kende lo bira proximo Prome Minister di Hulanda, sigur lo sali for di su partido y e por ta un persona cu ni a subi lista, pero lo por ta un candidato experto.

NA Aruba e por t'asina tambe. Mi no ta kere, te awor lider di partido cu haya mas voto, automaticamente lo bira Prome Minister di Aruba. Segun Edgard Vrolijk, Presidente di Parlamento a bisa cu e tin pa trata e ley nobo pa eleccion. Pero pueblo no sa kico ta bebe y come di dicho ley. Ta bon pa adelanta publica esaki, pa pueblo duna su opinion y no lague pe Parlamentarionan so (representantenan di pueblo), cu no ta haciendo nada tog. Mas bien kier biaha, biaha y aumenta nan dagverblijf y demas beneficienan, pero pa pueblo net nada.

TIN ora pueblo no ta compronde cierto maneho. P.e. tin un compania (den pasado tabatin varios) cu kier desaroya Isla de Oro, haciendo esaki hasta un atraccion turistico. Pero tin un fundacion, Fundacion Parke Nacional di Aruba (FPNA), cu ni kico haci, nan ta contra cualkier desaroyo (positivo). Si sigui hiba un maneho asina, anto asina e.o. loke nos a conoce Isla di Oro den pasado, por keda deteriora.

PAPIANDO di FPNA, asina tambe un ciudadano Arubiano tin un tereno eigendom den Franse Pas, unda e kier desaroya un tipo di Boutique Hotel (Ego-System), unda turistanan por disfruta di nos mondi, naturaleza, etc. Pero FPNA ta contra. Unda nos ta bay?

NOS tin un problema serio cu te situacion cu nos RWZI (miho conoci como Bubali Plas), cu si e no ser atende hopi liher, nos turismo lo bay haya sla duro, cu lo haci dificil pa nos recupera esaki manera despues di Covid. Ta pos di pueblo ta bay over y den tur bario pompan >>

ta bay manda awa di pos pa mondi of pa caya, y pronto lo tin cu bay cana cu laars pa no susha bo mes pasando den plas di awa di pos tur caminda.

Y e awa aki ta bay seca pone barionan completo hole stinki y atrae mosca. Pasobra Gobierno tabata asina sabi di saca (1) Milieubeheer, (2) Natuurbescherming, (3) Duurzame Ontwikkeling, (4) Klimaatverandering tur for di e lista di prioritaire themas pa Landspakketten pa spaar placa riba presupuesto y tin mas placa pa gasta na salarionan di friends and family nombra den aparato gubernamental y fundacionnan nos ta na unda nos ta awor.

Y si awor kier aloca un fondo grandi di emergencia pa deal cu dump Parkietenbos, RWZI, etc. ta Caft lo ranca horea di Gobierno cu lo viola normanan stipula pa reduci gasto.

E conclusion mester ta cu pa hopi rason e Gobierno aki a faya barbaramente den maneha nos pais den un forma sensato, sano, prudente y profesional. E pregunta clave lo mester ta cual Minister(nan) lo mester tene responsabel y cual di nan mester saca nan conclusion y haci luga pa un persona mas capacita pa atende cu asuntonan urgente awor? No por sigui asina, pasobra turismo ta coriendo peliger. The shit is hitting the fan!

Kedando un rato mas na celebracion di nos Dia di Himno y Bandera, keto bay ta na discusion e color di nos bandera. Diferente color por a mira, pero awor pueblo no por bisa mas cu tin diferente color di bandera, esaki desde ex-Ministro Otmar Oduber a standarisa e color di bandera cu e diccionario Britanico di color di bandera. Si tin diferente color ainda ta pasobra nos no kier cumpra un bandera nobo. Loke cu awe ta bin dilanti t'e hecho e idioma e palabra Feliz. Felis cu S ta Fonologico di Corsou, St.Maarten y Islanan BES. Y Feliz cu Z ta Etimologico di Aruba. Shonnan Feliz Dia di Himno y Bandera ta wordo "Skirbi cu Z no cu S" danki feliz dia.

E accidente lamentabel na Savaneta, cu a costa bida di un hoben di 20 aña, no ta nada agradabel pa comunidad. Nos mester para keto riba algun punto cu e accidente aki a bolbe trece na luz di dia, referiendo n'e autonan cu stuur na man drechi. E autonan aki no ta paz den nos sistema y mester bin ley cu pa reglamenta e asunto aki. Maske cu prijs por hunga un rol, pero ningun hende ta para riba ley. Hecho ta cu autonan cu stuur na man drechi, ta keda un peliger grandi, debi na falta di visibilidad. Pero Aruba no tin un lider politico cu cohon pa bin cu un ley pa prohibi e autonan aki, pa no perde voto. Asina pueblo ta central?

CARIBBEAN CINEMAS
VIP
A PREMIUM EXPERIENCE

Caribbean Cinemas
PASEO HERENCIA

COMFORT, FOOD AND COCKTAILS

FOR SHOWTIMES AND ONLINE TICKETING:
WWW.CARIBBEANCINEMAS.COM

☎ 787-999-3292

📷 @caribbeancinemasaruba

📺 Caribbean Cinemas Aruba

DOWNLOAD OUR APP

GET IT ON Google Play

Download on the App Store

Den cuadro di inversionnan cu a wordo haci recientemente Minister Rocco Tjon A bishita KIA hunto cu Gobernador di Aruba



AYERA mainta, Minister di Husticia y Asuntonan Social sr. Rocco Tjon, hunto cu Gobernador di Aruba, sr. Alfonso Boekhoudt, a haya un recorido amplio di nos Instituto Coreccional di Aruba, pa por wak e diferente inversionnan cu a wordo haci recientemente.

Prome cu e recorido a haya un presentacion amplio di e desaroyonan actual. Esunnan mas remarcabel ta cu dentro di poco lo bay traha cu personal fiho na e “jeugd afdeling” y tambe lo inicia cu e proyecto di cuidu forensico. Lo bay brinda mucho mas actividad na nos hobennan, esaki debi cu tin un “assesment” a wordo haci bou di tur e detenidonan y di e forma aki sa cua cursonan y opleidingen tin nan preferencia. Di e forma aki lo duna miho contenido na reintegracion y resocialisacion.

Un departamento cu recientemente a haya hopi atencion y inversion ta esun medico. Di e forma aki por cumpli cu rekisitonan y alabes mantene gastonan abou, door di brinda e cuidu necesario. Tin diferente inversionnan infrastructural tambe tumando luga, pero e plan a largo plaso ta pa yega na un instituto nobo.

Miembronan di management team a duna un presentacion amplio di e avancen pa yega na e “projectdossier” aki, cual Hulanda ta asistiend nos cu ne. Un bishita hopi positivo y tin mucho mas inversionnan na caminda pa personal, proyectonan y infrastructural.



Minister Geoffrey Wever den reunion cu compania Priva: Mester facilita acceso na tecnologia innovativo pa mas comercio agricola



DIAMARS, 20 di maart, Minister Geoffrey Wever a yega na Hulanda y inmediatamente a dirigi pa un reunion importante cu e compania Priva na De Lier. Meta di e bishita aki ta explora diferente tecnologia innovativo y e uzo comercial den e industria agricola.

Maneho economico di Gobierno di Aruba ta pa diversifica nos economia door di stimula mas comercio den e industria agricola basa riba e uzo di tecnologia innovativo manera 'greenhouse' y 'vertical farming'.

Uzo di tecnologia por ta un factor importante pa optimalisa e procesonan di produccion y asina a base di eficiencia ofrece un prijs competitivo na consumidornan.

Sra. Meiny Prins, director general, y Sr. Jan Westra a elabora riba solucionnan innovativo cu Priva ta ofrece pa facilita e produccion eficiente di e.o. berdura y fruta door di controla e clima interior, y uzo di awa y coriente basa riba un "business case". Priva ta activo den diferente parti di mundo y lo celebra 65 aña di existencia den 2024.

Durante e bishita minister Geoffrey Wever a ser acompaña pa Sr. Elwin Groenevelt, CEO di Qredits, y tambe pa consehero di Ministerio di Naturalesa, Sr. Anko Koopmans, y tambe directora di Departamento di Asuntonan Economico.

Comercio y Industria, Sra. Maria Dijkhoff- Pita. Dependencia riba importacion di mayoria producto, manera e.o. fruta y berdura ta ofrece un oportunidad economico pa stimula negoshinan den industria agricola haci uzo di tecnologia innovativo pa produci fruta y berdura eficientemente y asina yuda e industria agricola crece y bira un pilar economico.

E bishita na Priva ta demostra cu e tecnologia y conocimiento pa

e.o. fruta y berdura na un manera eficiente ta disponibel y cu como gobierno mester facilita e acceso n'e tecnologianan aki pa stimula produccion comercial di fruta y berdura, segun minister Geoffrey Wever.



De Minister van Algemene Zaken, Innovatie, Overheidsorganisatie, Infrastructuur en Ruimtelijke Ordening is voornemens in het openbaar aan te besteden, het door Land Aruba te financieren project:

"Masterplan verbouwing Statengebouw, Deel 1".

Volgens bestek DOW nr. 08 dj. 2024.

Korte omschrijving van het werk:

"Masterplan verbouwing Statengebouw, Deel 1"

Perceel 1: Slopen en nieuwbouw gebouw te Zoutmanstraat.

Perceel 2: Tussengebouw (Staten-Zoutmanstraat gebouw)

Perceel 3: Hoofd entree Staten gebouw.

Perceel 4: Bestaande betonnen balkon (binnenplein).

Perceel 5: Binnenplein.

Uitvoeringstermijn: **160 werkbare werkdagen** na datum van opdrachtbrief, incl. bestellingstijd.

Het bestek is vanaf **21 maart 2024** verkrijgbaar bij DOW tegen betaling van **Afl. 750,00**.

De betaling te voldoen bij de kassier van de Dienst Openbare Werken (DOW).

De openbare bescheiden liggen ter inzage vanaf **21 maart 2024** te DOW bij het Secretariaat van de Directie.

Inlichtingen worden verstrekt op **28 maart 2024** om 9.00 uur v.m. te DOW.

De Nota van Inlichtingen wordt vastgesteld op **03 april 2024**.

De openbare aanbesteding vindt plaats op **19 april 2024** om 11.00 uur v.m. op het kantoor van de directeur van de Dienst Openbare Werken.

De inschrijver moet bij zijn inschrijving de volgende vereisten overleggen:

1. Bewijs van inschrijving in het register van de Kamer van Koophandel van Aruba (niet ouder dan 6 maanden).

2. Bereidheidsverklaring tot het instellen van een bankgarantie of borg.

3. De staat van eenheidsrijzen voor verrekening van meer- en minderwerken.

4. Overige vereisten opgenomen in het bestek.

Inschrijving dient te geschieden op het bij het bestek gevoegde en gewaarmerkte inschrijvingsformulier.

Eric Ras(Curpa):

Partido MEP ta keda musta nan desprecio pa partido RAIZ

PARTIDO RAIZ no tin nada di bisa den e gobierno aki mas. Partido RAIZ ta riba e banda AM di radio. Un banda cu ningun hende ta scucha. Bos di Aruba masha tempo a cera riba e banda AM y nos ta kere cu RAIZ masha tempo no tin sintonia mas. Bos di burico no ta yega shelo. For di aña pasa nos prome Minister a duna lider di RAIZ ordo pa drecha e asunto di Embassy Suite sino nos prome Minister mes lo regla e asunto. Nos sa cu Minister Arends no a haci nada y nos prome Minister a pone man den e asunto te cu e palapanan a wordo poni riba e beach. Nos prome Minister si a cumpli cu su palabra y Minister Arends a keda keto.

Otro asunto unda nos prome Minister ta bolbe pasa Minister Arends un fastball t'e planta di purificacion na Bubaliplas. E planta na Bubaliplas ta responsabilidad di DOW y DOW ta cay bou di nos Minister president, pero ta Minister Arends ta esun cu ta saca cara y no e prome Minister. Durante e 3 aña nada a wordo haci pa remedia e situacion te cu gobierno a haya ta paga un dwangsom paso te dia di awe no a trece ningun solucion. Awor kier pone e planta di purificacion cay bou di Minister di labor, energia y integracion. Nos pover Minister Arends tin cu wanta tur critica paso e no tin solucion pa nada y despues cu nan pas'e pa WEB NV e minister concerni lo no tin nada di bisa mas tampoco. Riba dje kier pone turista paga \$35,= p'e planta di purificacion na Bubaliplas cu lo mester bira un NV.

Segun informacion cu nos a haya a lanta un NV caba y RAIZ lo no tin participacion den e empresa nobo di gobierno. Unico cos cu partido RAIZ ta keda cu ne ta holo stinki y lo bay den historia cu no por a trece un solucion p'e planta aki. Riba dje e truck di chupa pos mester bay awor te cu Zeewijk loke lo aumenta e

prijs cu 25 florin. Otro medida di e gobierno aki. MEP ta sigui rebaha RAIZ ora cu luna pasa Minister Wever di partido RAIZ a bay Brussel pa firma e acuerdo financiero p'e programa di digitalisacion di Gobierno su "Roadmap to e-Government. Aruba lo ricibi 15.3 mion euro for di Union Europeo. Nos ta kere cu Minister Geoffrey Wever a pone su firma bij het kruisje pero ora e placa drenta den caha di gobierno lo e no tin nada di bisa mas. Segun informacion ya caba gobierno ta organisa un conferencia riba Artificial Intelligence.

Nos por mira cu cada bes e distancia di partido MEP y partido RAIZ ta mas grandi. Nos por corda cu aña cu parlamentario di RAIZ a expresa cu si no introduci logopedie den AZV lo e no coopera cu nada mas y e Minister di salubridad a mand'e un carta cu januari 2024 lo e wordo poni den AZV. Wel te dia di awe nada. Luna pasa 16 di februari 2024 parlamentario Raymond no a presenta pa trata e presupuesto Tourism Product Enhancement Fund. Presidente di Parlamento tabata debidamente na altura y den manera autoritario a dicide di yama e reunion toch cu despues a resulta di no tabata tin quorum. Tabata tin intercambio di palabra entre e Minister di Yurismo y e parlamentario pero despues a aproba e presupuesto Tourism Product Enhancement Fund.

Awe, diahuebs dia 21 di maart 2024 e deadline cu partido RAIZ a duna e President di Parlamento ta yega pa trata e ley di matrimonio di mesun sexo. E presidente di parlamento a bisa bon cla cu maart ni april 2024 lo yama e reunion, pero kisas na mei 2024. Partido MEP ta sigui menosprecia RAIZ y ta reta partido RAIZ. Laga nos mira cua partido lo bay para duro of lo bira moli moli.

Partido Curpa ta di opinion cu esaki ta un momento di transicion y manera nos a bisa caba cu e gobierno aki ta riba mashin e ta hala rosea. E ora di ranca e plug di e gobierno aki ta yega y lo hala su ultimo rosea. Partido RAIZ su bos no ta yega shelo mas. Dios su tempo ta perfecto y esaki ta tempo di Dios no di politiconan. Ora partidonan politico ta kere cu poder ta di nan y bay contra leyman di Dios, nan tempo lo yega. Esaki t'e momento di husticia di Dios pa caba cu e inhusticia di nos gobierno. Partido Curpa e unico alternativa.



**WE'RE
HIRING
SECURITY OFFICERS**

REQUIRMENTS
23 - 45 years old
Minimum Mavo or equivalent
certificate of conduct
own transport
speak & write:
Papiamento, Dutch & English

*if you're interested, call us between 8am/4pm
at 588-3677, whatsapp 594-7791,
email: job@accesscontrolnv.com
or visit our office at Solito 100, Oranjestad*

ac
security

SALUD

'E Caminda Pa Bienestar'

Importancia di Salud Oral:

Cuida Bo Boca, Cuida Bo Bida!

SALUD Oral ta un aspecto vital di nos bienestar general. Mantene un boca saludabel ta un practica esencial pa mantene nos salud completo. Esey ta un tema cu mester atende cu seriedad pa evita problemanan serio den futuro.

Tur hende sa c'un bunita sonrisa ta un muestra di bon salud oral. Pero mas leu cu esey, tin hopi beneficio pa mantene un boca saludabel. Ta evita gingivitis, buraco y otro problemanan di salud cu ta relaciona c'un boca no cuida.

Mantene un rutina di limpieza oral ta un parti importante di cuidu personal. Haci bo djentenan limpi dos biaha pa dia, y uza un hilo dental pa elimina resto di cuminda entre djentenan. Tambe, ta importante pa consulta un dentista regularmente pa controla e estado di bo djentenan.

Salud oral ta mas cu solamente mantene un sonrisa bunita. Tin un conexion entre un boca saludabel y nos salud general. Problemanan oral manera gingivitis por tin impacto serio riba otro aspectonan di nos salud manera e sistema cardiaco y diabetes.

Un boca saludabel ta representa un compromiso cu nos mes, cu nos bienestar general. Pa un bida largo y feliz, cuida bo boca ta un prioridad. Haci e inversion awor pa cuida bo djentenan.

Asina cu, no laga cuidu di bo boca ta un cos pendiente. Tuma e tempo pa cuida bo boca, y bo lo ta invertiendo den un futuro mas saludabel pa bo mes.

Algun tips pa mantene un bon salud bucal:

Skeiro bo djentenan dos biaha pa dia:

Pa mantene bo djentenan limpi, ta importante pa laga nan limpi mainta y anochi.

Uza hilo dental regularmente: Pa elimina resto di cuminda entre bo djentenan, uza un hilo dental regularmente pa evita buraco den djente y problema di gingivitis.

Consulta un dentista regularmente: Pa controla e estado di bo djentenan y preveni problemanan



Limita consumo di sucu: Sucu ta un di e causanan principal di buraco den djente. Limita consumo di sucu y bebe hopi awa pa mantene bo boca limpi y fresco.

Uza un 'mondwas': Uza un 'mondwas' cu ta contene fluoride pa reforsa bo djentenan y preveni buraco.

Evita tabaco: Tabaco por causa problemanan serio den bo boca manera cancer di boca y cu bo boca ta hole malo.

Cuida bo dieta: Includi alimentonan cu ta bon pa bo djentenan manera fruta, berdura y producto lacteo.

Cambia bo skeir'i djente regularmente: Pa evita bacterianan, cambia bo skeir'i djente cada tres luna of ora cu ta sinti cu e ta desgasta.

Sigui e consehonan aki pa mantene un boca saludabel y un sonrisa espectacular.

Si bo ta interesa den un tema specifico por manda nos un e-mail na: camindapabienestar@gmail.com y duna nos bo sugerencia riba kico abo ta haya interesante pa nos trece dilanti.

E espacio aki tambe ta un espacio caminda abo como comerciante of proveedor di servicio/producto lo por haya un oportunidad pa presenta esaki na comunidad den forma di articulo, entrevista, pa medio di informacion tocante habitonan di bida saludabel, consehonan di bienestar, noticianan medico y avancen den e tereno di salud of temanan relaciona cu cuidu personal, entre otro.

Danki pa boso sosten. Saludo y Salud. Otro siman nos lo t'ey bek cu otro tema interesante.

DEPORTE

deporte@awemainta.com

Futbol Copa Honor Oro

Dakota ta comanda e tabla kier recobra e titulo



E prome buelta di e Copa Honor ORO ta tras di lomba y e amarillo nan di Dakota ta comanda e tabla di posicion cu 11 punto empata cu e Puma nan di Piedra Plat pero cu miho averahe di gol. Cu 3 victoria y 2 empata e amarillo nan ta invicto den e parti aki di e campeonato. Owen van der Wijne ta sigui ta e homber gol di e Amarillo nan.

Den e prome buelta e la score 6 gol y awor den e Copa Ora e ta lidera su team cu 4 gol. Camilo Pena cu den prome buelta a score 4 gol ainda no por a haya e net den e prome buelta di e Copa Ora. Ricky Hodge cu ta lidiando cu un lesion na su rudia y tin solamente 1 gol den Copa Oro. E delantero ta recuperando forma y ta spera cu e por hunga un rol mas importante den e segunda buelta. Cu Britannia y Nacional mustrandando bon nivel, Dakota ta bay tin mester pa Ricky Hodge renoba su romance cu e gol.

Un hungado cu a tuma un rol mas protagonico ta Jean Louis Mackenly cu tin 3 gol anota den e prome buelta di Copa Oro. Mackenly a bin ta trahando duro y mehorando cu cada wega y a haci contribucion nan grandi na momento cu mas e team tawata tin mester. Nicholson Paul sigur t'e curason di e team aki, y aunke su forsa ta den su parti defensivo, e ta un cu ta pusha hopi paso largo conectando casi telepaticamente cu Fernando de Souza. E ultimo aki ta den un sequia di gol,

pero de Souza ta keda un hungado importante.

Su habilidad pa sconde e bala ta facie hopi importante den e transicion di defensa pa atake. Tambe e ta lastra hopi marca pa asina crea espacio pa Owen Van der Wijne por opera. Den e prome parti e la score 4 biaha pero Ainda e no por a haya e net den e Copa Oro. Dakota ta conta cu e lo topa cu e gol den e segunda buelta. Defensivamente Dakota t'e team mas solido cu solamente 2 gol encontra den e prome 5 wega nan di E Copa Oro. Sigur Dakota ta bayendo "viento en popa" pero nan entrenando Jonathan Lake sa bon cu e trabou no ta cla te ora bo lanta e Copa ey di campeon y confetti cuminsa yobe.

E caminda ta largo ainda y nada no ta skirbi riba piedra. Sigur su trabou awor ta di protege e ambiente cu tin den e grupo, pero no ta trabou di su so. Aki nan, Directiva mester haci nan parti, e fanaticada mester sigui apoya e team y mester keda focus riba e meta final, pasobra un crisis por ta eynan mes manera bo dobla skina.

E amarillo nan ta den un posicion privilegia y pikiendo minimo 5 punto den e segunda buelta lo ta suficiente pa Dakota sigui p'e siguiente ronda. E amarillo nan ta mira accion bek dia 5 di april contra e Naranjado nan di Santa Cruz, SV Estrella.

Cantidad di caso di infeccion sexual ta crece den henter Europa



E Centro Europeo pa Prevencion y Control di Malesa (ECDC) a publica recientemente su informe epidemiologico anual, den cual nan ta analisa e situacion actual relaciona cu infeccion transmiti sexualmente (ITS) na Union Europeo/Espacio Economico Europeo (UE/EEE).

E hallazgonan di e informe ta muestra un crecemento alarmante den e cantidad di caso di sifilis, gonorrhea y chlamydia, indicando un necesidad urgente pa conscientisa mas tocante e transmision di ITS y pa mehora medida di prevencion, accesibilidad na testamento y tratamiento efectivo pa atende e reto di salud publico aki.

Durante aña 2022, a wak un crecemento significativo den e cantidad di caso raporta compara cu e aña anterior. Asina, e cantidad di caso di gonorrhea a crece cu 48%, sifilis cu 34%, y chlamydia cu 16%. Tambe, e cantidad di lymfogranuloma venereum (LGV) y sifilis congenita, causa pa transmision di mama pa feto, a crece notablemente. E tendencianan aki ta enfatisa e necesidad urgente di accion pa preveni transmision adicional y pa reduci e impacto di ITS riba salud publico.


Andrea Ammon, director di ECDC, a expresa su profundo preocupacion tocante e aumento di e casonan di ITS y a enfatisa cu pa atende e crecemento aki ta necesario pone atencion urgente y esfuerzo conhunto. E ta boga pa duna prioridad na educacion sexual, extension di accesibilidad na servicio pa test y tratamiento, y pa combati e stigma relaciona cu ITS. Ammon a enfatisa tambe e importancia di iniciativa educativo y di conscientisacion pa habilita e individuonan pa tuma decision di informa tocante nan salud sexual.

Pa para e plamamento di ITS, ta esencial cu e individuonan tuma medida proactivo pa proteha nan mes y nan pareha. Testamento regular pa ITS, specialmente pa hende cu tin pareha sexual nobo of multiple, ta crucial pa deteccion y tratamiento trempan. Pasobra algun infeccion por ta asinto-

matico y por wordo transmiti sin sa, ta importante pa test e parehanan sexual prome cu nan tin relacion sexual sin condom. E personanan cu ta sospecha cu nan tin un ITS mester busca conseho medico inmediatamente, pasobra tratamento na tempo ta esencial pa preveni transmision adicional y complicacion di e malesa.

Aunke ITS manera chlamydia, gonorrhea y sifilis ta tratabel, nan por causa complicacion serio na salud si nan keda sin trata, manera infeccion pelvico inflamatorio, dolor cronico, infertilidad y problema neurologico. Sifilis sin trata durante embarazo por causa consecuencia serio pa e mucha.

ECDC ta enfatisa e importancia di medida proactivo pa atende e aumento di caso di ITS y pa proteha salud publico. Uzo constante di condom y comunicacion habri tocante salud sexual cu pareha ta wordo recomenda como medida preventivo efectivo.



Bin bishita nos y probecha!

Paña di bon calidad na bon prijs.

Adres: Avenida Milio J. Croes 47 local 3

Telefon: 5646733 - 5653466

E-mail: info@carlymar.com

Profundamente desilusiona

Wilder no lo bira Prome Minister

LIDER di PVV Geert Wilders a expresa su desilusion pa e echo cu e no a haya sosten pa bira Prome Minister den un eventual gabinete cu PVV, VVD, NSC y BBB. El a declara cu solamente BBB a compromete su apoyo completo pa su liderazgo como Prome Minister, mientras un partido a indica cu nan ta prefera no, pero nan no lo ta un obstaculo, y un otro partido a rechasa categoricamente. Esaki a conduci na frustracion pa Wilders, kende a reclama su derecho pa bira Prome Minister pa motibo di e victoria di nan partido durante e eleccion. Sinembargo, el a reconoce cu tabatin mester di sosten cual e no a haya.

Lider di VVD Dilan Yesilgöz a indica cu su partido no tabatin obhecion contra e liderazgo di Wilders como Prome Minister, pero si a haci pregunta y observacion tocante na formacion di un gabinete extra-parlamentario. Wilders a lamenta e falta di sosten, pero a enfatisa cu mester a haci un eleccion entre e interes propio y e interes di e pais.

Lider di NSC Pieter Omtzigt a duna poco comentario despues di e reunion cu informador Kim Putters, pero a enfatisa e importancia di forma un gabinete pa motibo di e desafionan urgente na Hulanda. El a menciona cu a bin acuerdo pa investiga e posibilidad di un gabinete extra-parlamentario, unda e cuatro lidernan di partido lo keda den Tweede Kamer.

E informe di informador Kim Putters a wordo entrega diahuebs na e Kamervoorzitter Martin Bosma, despues cu e grupo di cuatro, consistiendo di Wilders, Yesilgöz, Omtzigt y lider di BBB Caroline van der Plas, a lesa esaki.

Conseho di informador Putters: un Gabinete di Programa pa Hulanda

Den un discurso n'e cuerpo di representante, e formado ta raporta su tarea completa, dirigi pa facilita un gabinete nobo pa Hulanda. E informe, presenta na presidente di Tweede Kamer, ta enfatisa e necesidad di un enfoque cuidadoso y constructivo pa supera e division politico y restaura e confianza di e pueblo.

Despues di un luna di analisis intensivo y consulta cu e exper-tonan externo, ta wordo proponi pa tuma un siguiente paso den formacion di un gabinete nobo. E conseho ta inclui e investigacion di un supuesto "Gabinete di programa" a base di un acuerdo riba principionan entre e fraccionnan di PVV, VVD, BBB y NSC. E enfoque aki, cu lo mester por conta cu un sosten amplio den parlamento, ta wordo considera como un reaccion adecua na e situacion politico completo y e desafionan social cu Hulanda ta enfrenta.



E informe ta muestra tres aspecto crucial di un colaboracion asina: vinculo politico, programatico y personal. Vinculo politico ta involvi e seleccion di e tipo di gabinete, unda ta conclui cu un gabinete mayoritario regular of minoritario actualmente no ta factibel. Na su luga, colaboracion extra-parlamentario, den forma di un gabinete di programa, ta wordo considera como e opcion mas prometedor.

Vinculo programatico ta rekeri e establecimiento di meta y cuadro di politica mediante un acuerdo riba principio conciso. E acuerdo aki lo forma e base pa e formacion di un gabinete y e desaroyo di un programa di gobierno, incluyendo stakeholders externo manera gobierno local y organizacion social.

Respecto na vinculo personal, ta boga pa un mescla balansa di persona di gobierno for di tanto antecedente politico como no-politico, cu lider politico di e fraccionnan concerni manteniendo nan posicion den Tweede Kamer.

E conseho ta enfatisa e importancia di un investigacion substancial tocante confiabilidad di un gabinete di programa, unda no solamente e forma pero tambe e contenido di colaboracion ta wordo tuma na cuenta. E proceso aki ta considera como esencial pa restaura e confianza entre e ciudadanonan y nan gobierno, manera tambe pa atende e desafionan social urgente.

Cu e informe aki como guia, e cuerpo di representante ta wordo yama pa inicia un dialogo constructivo y tuma paso adicional pa forma un gabinete nobo cu por ehecuta politica efectivamente y restaura e confianza di e pueblo.

Segun investigacion di Nacionnan Uni

Tin prueba cla cu Hamas a abusa sexualmente tanto di rehen como di prizonero Palestino



E reciente informe di Nacionnan Uni ilustra impactantemente riba e violencia sexual durante e conflicto na Israel y West Bank riba dia 7 di october, poniendo duda serio riba e agenda berdadero di Hamas. E resultadonan, presenta pa Pramila Patten, ta revela detaye inkietante di violencia sexual, incluyendo violacion y violacion di grupo, na diferente luga, incluyendo e festival di musica Nova na Israel.

Sinembargo, Hamas ta nenga firmemente cu su militantenan tabata involvi den e crimen aki, minando ainda mas e credi-

bilidad di su afirmacionnan di e lucha p'e Palestinonan.

Escena horibel a wordo haya na Israel, unda a haya culpa sunu di hende muhe, man mara y cu varios herida di bala, posiblemente indicando violencia sexual. Na West Bank, e prizoneronan Palestino a wordo somete na atrocidad manera violencia fisico y sexual, incluyendo menasa di violacion, tanto contra e prizoneronan mes como contra nan famia femenino.

E revelacionnan impactante aki a conduci na un yamada urgente pa un bahamento di arma, cu enfasis riba proteha e civilnan di mas agresion sexual. Patten ta enfatisa e importancia di un stop e hostilidad di inmediato y ta pidi Hamas pa libera e prizoneronan sin condicion.

Fuera di esey, e ta urgi Israel pa traha mas estrechamente cu e oficina di Nacionnan Uni pa trata e violacionnan di derechonan humano y asumi e responsabilidad di proteha e ciudadanonan di violencia sexual.

E resultadonan inkietante aki ta demostra e necesidad urgente di accion y cooperacion internacional pa trata violencia sexual durante conflicto y garantiza cu e atrocidadnan aki nunca mas lo sosode.

Violet Spa

Servicios a Domicilio

- Masajes Anti-Estress y Relajantes
- Masajes Terapéuticos
- Reflexologia Podal
- Detox Lonico

Masaje Reductor

Masajes reductores contiene:

- Aparatologia Combinada
- Manta Térmica
- Maderoterapia
- Drenaje Linfático

Moldeo de Figura

con cierre de costilla y reloj de arena

+297-740-5235

Ubicación bajo demanda

BEAUTY & SPA

Dia Mundial di Síndrome di Down 2024:

Empoderando Bos, cabando cu Stereotipo

DIA 21 di maart ta Dia Mundial di Downsyndroom (WDS). Reconoci pa Nacionnan Uni desde 2012, e dia aki ta sirbi como un guia pa brinda luz riba e derecho di inclusion, y bienestar di individuo cu Downsyndroom of na un bon Spaño Síndrome de Down of na Papiamento Síndrome di Down.

Dia 21 di maart, (luna 3), ta simbolisa e triplicacion di e cromosoma 21, cu t'e causa di e Síndrome di Down.

Síndrome di Down, tambe conoci como Trisomia 21, no ta un malesa. E ta un mutacion cromosomal cu ta tuma luga naturalmente y ta presenta aproximadamente un di cada 800 nacemento bibo na mundo. E material genetico extra aki ta influencia e curso di desaroyo, resultando den diferente grado di discapacidad intelectual y fisico, hunto cu problema medico asocia n'e mutacion aki.

E personanan cu Síndrome di Down ta enfrenta frecuentemente discriminacion y barera relaciona cu nan derecho y oportunidad basico. Ta nenga nan educacion di calidad, cuidu medico adecua, oportunidad di empleo, y e autonomia pa tuma decision tocante nan propio bida. Nan bos ta wordo silenciosa frecuentemente den asunto cu ta concerni nan.

E personanan cu Síndrome di Down tin e mesun derechonan humano manera tur otro hende. Convencion tocante Derecho di Personanan cu Discapacidad (CRPD) ta existi pa proteha y promove e derechonan aki, enfatizando balor manera dignidad, husticia, igualdad, respet, y independencia.

Participacion inclusivo ta clave den esaki. E personanan cu discapacidad intelectual tin derecho pa ta inclui den sociedad, pa comparti nan idea y experi-



encia, y pa ricibi informacion di manera cu nan por compronde. Educacion inclusivo no ta solamente un privilegio; e ta un derecho humano. Cada mucha, hasta esunnan cu Síndrome di Down, merece di tin acceso na educacion di calidad, sin segregacion ni exclusion.

Di mes manera, empleo inclusivo ta un derecho fundamental. Cu e oportunidadnan, sosten, y entrenamiento corecto, e personanan cu Síndrome di Down por haci contribucion importante den mundo laboral. E dunadonan di trabao mester por brinda un ambiente di trabou habri, inclusivo, y aceptabel, promoviendo diversidad y inclusion.

Cuidu medico tambe ta un derecho humano basico. E personanan cu

Síndrome di Down merece di tin acceso n'e standard mas halto di cuidu medico, liber di bias of discriminacion. Ta esencial pa evita diferencia den servicio di cuidu medico y brinda informacion y comunicacion cu ta facil pa nan compronde.

Riba e Dia Mundial di Síndrome di Down aki, laga nos uni nos bosnan pa boga p'e derechonan, inclusion, y bienestar di e personanan cu Síndrome di Down.


Laga nos kibra e bareranan, e obstaculonan, caba cu e stereotiponan, y crea un mundo unda tur hende, independientemente di nan habilidad, por prospera y contribui di manera importante na sociedad. Hunto nos por haci un diferencia!

Jinete & Amazona den preparaci3n pa Feria Himno & Bandera

DIADOMINGO 24 di Maart tin competencia di Equitacion na Villa Floralina na Moko. Equitacion t'e arte of practica di monta un cabay. Un Jinete ta un persona masculino, caminda nos ta referi na un persona femenino como un Amazona.

Den e competencia, ta separa Jinete & Amazona den diferente categoria basa riba edad, cuminsando for di 4 aña, te cu mayor di 25 aña. Nan por participa riba cabaynan di Paso Fino, Trocha, Trote y Galope, of di Trocha y Galope. Cada Jinete of Amazona mester completa algun prueba, cual ta e Figura di 8, e Figura di Serpetina, y pasa su cabay riba e Pista Sonora, cual ta un pista di palo cu e cabaynan ta pasa riba dje cual ta amplifica e zonido di nan paso, pa asina e hues y publico por scucha esaki miho.

Completando e ehercicionan aki, e Jinete of Amazona tambe mester mantene un postura corecto, y demostra nan habilidad pa por maneha nan cabay na un manera consistente y eficiente. Den caso di empate Hues por pidi pa ehercicio adicional pa por determina un ganado.



SIGN UP NOW

VIA STIMAMI STERILISAMI'S WEBSITE &
SAVE UP TO 45% OFF YOUR PET'S
STERILIZATION COSTS PLUS GET A FREE
MICROCHIP!

**45%
OFF**



**FREE
MICROCHIP**

Hospital cu mas oportunidad pa eleva calidad di cuidu

HOH Academy cu sesion tocante di estudio Physician Assistant

RECIENTEMENTE Horacio Oduber Hospital (HOH) a tene varios sesion di informacion tocante e estudio di Physician Assistant (PA). E estudio di PA ta uno bastante popular na Hulanda y sigur tambe uno interesante pa Aruba explora. Te na e momentonan aki no tin ningun Physician Assistant riba nos isla den e funcion aki. Departamento di HOH Academy hunto cu Geert van den Brink, coordinador di e Masteropleiding aki na HAN University of Applied Sciences na Hulanda, a duna informacion amplio di e trayecto y tambe e exigencianan pa por studia esaki. Alabes a duna informacion tocante e beneficio di tin e funcion aki na hospital y kico e ta nifica pa cuidu medico en general.

Lenie Denteneer, manager HOH Academy, ta conta cu na momento cu e persona caba cu su estudio e lo por traha independiente pero tambe asisti un especialista ora mester y haci gran parti di e tareanan cu un dokter ta haci. Esaki lo por alivia cierto peso di e trabou cu e dokter of especialista ta haci. Asina por yuda tambe cu escasez di dokter cu ta un reto mundialmente. E ta sigui splica cu HOH Academy ta mira tremendo oportunidad den esaki pa esnan cu ya tin un educacion riba nivel di Bachelor den cuidu pa sigui specialisa y asina crece den nan funcion y responsabilidnan. Sin duda esaki ta un “win win” tanto pa e sector di cuidu como tambe pa esun cu caba cu e estudio di PA.

Experiencia estudiante

Te cu awo tin solamente un persona cu ta siguiendo e estudio aki na Aruba, esta Gianina de Freijtas cu actualmente ta traha na policlinica di ginecologia como “klinisch verloskundige/ echoscopiste”. “Mi a scoge pa e estudio di Physician Assistant mirando cu mi ta traha hunto cu un grupo di seis especialista cu ta atende cu pashentnan cu un indicacion medico. Mi kier tin mas conocimiento y mas experiencia den mi carera y loke mi ta gusta di e estudio aki ta cu e ta un estudio amplio. Awo mi ta hayando experiencia di diferente specialisacion cu normalmente mi no ta custumbra cu ne,” asina Gianina ta splica. E colaboracion ta bayendo bon y cu un bes pa siman e tin scol marduga ya cu tin e diferencia den ora cu Hulanda. E ta poco pisa pero e ta contento cu e resultado.

Miho calidad di cuidu

“E estudio aki ta dirigi na e cuidu directo di e pashent. E ta un estudio specialmente pa esnan cu ta conta cu un estudio riba nivel di Bachelor y cu tin por lo menos dos aña di experiencia den un trabou cu tin contacto cu pashent. E estudio ta uno cu ta wordo realiza hunto cu e dunado di trabou, e estudiante y e universidad. Tur tres ta colabora pa yega na



un final na favor di tur pa un balor agrega den cuidu medico pe pashent,” segun Geert van den Brink. Parti di e stage ta sosode na hospital mes caminda e estudiante lo haya experiencia practico y e parti di teoria como tambe habilidad e estudiante lo siña via lesnan. E ta un combinacion entre estudio online y tambe fisico, pa cual e estudiante lo mester bay Hulanda tambe algun bes pa aña.

HOH tin un necesidad grandi di personal specialisa di forma structural y esaki ta trece oportunidadnan unico pa atrae personal sea di Aruba mes of di exterior. Un otro paso padilanti pa loke ta adopta innovacion den educacion pa Horacio Oduber Hospital y Aruba.

Mirrors Beauty Academy ta ofrece e siguiente servicionan



Laba
Corta
Blowdry
Keratina
Cold Wax

Tinja
Highlights / Mechitas
Ombre / Californiana
Bayalage
Peinado

Makeup
Threading
Barberia
Manicure
Pedicure

Y
mucho
mas!

Tel. Alejandro: 564-4412 of 582-0110 • Whatsapp: 732-0110 of 566-0110 • Adres: Ponton 76 - Suite #3

Inspeccion di Salud Aruba y IMG cu bishita na practicanan dental na Aruba



DEN e prome siman di maart Inspectie Volksgezondheid Aruba (IVA) conhuntamente cu Inspectie Militaire Gezondheidszorg Hulanda (IMG) a bishita 5 practica dental na Aruba. E bishitanan no a wordo anuncia di antemano na e practicanan y tabata un sorpresa. Tambe a reuni cu algun stakeholders importante den e sector dental na Aruba durante e siman aki.

E meta di e proyecto tabata pa determina e prioridadnan den e sector dental segun e riesgonan mas halto. N'e manera aki IVA por determina unda por aloca y concentra su esfuerzonan mas eficiente cu ta posibel. Esaki ta den e cuadro pa stimula mehoracion di e calidad di cuidu den e sector dental pa e salud y siguridad di pashentnan.

Compara cu e nulmeting cu IVA haci na 2019-2020 (por haya e rapport aki pa lesa ariba nos website www.iva.aw) por a nota un mehoracion den e practicanan dental pero tambe a mira cu algun aspecto a keda igual cu locual IVA a constata na 2019-2020.

E bishitanan y combersacionnan a conduci na puntonan di mehoracion pa no solamente e practicanan dental individual pero tambe pa e sector dental en general manera e necesidad pa stimula e uzo di normanan y standardnan den e sector aki.

E practicanan dental cu a wordo bishita lo ricibi un rapport di IVA cu lo consisti di puntonan di mehoracion. E puntonan di mehoracion na nivel nacional lo wordo presenta na e sector dental pa asina conhuntamente tuma e pasonan necesario pa mitiga e riesgonan.

Nos kier a gradici IMG Hulanda pa nan asistencia, e stakeholders y tambe e practicanan dental pa nan colaboracion den proyecto aki.

IVA lo sigui traha pa mehora e calidad di cuidu na Aruba.

MENSAHE DI DIA
21 maart, 2024

Ora Universo ta haci bo warda,
ta pasobra e ta preparando bo
pa ricibi mas cu loke

BO A PIDI P'È.

e Poder den Mi

e Poder den Mi

Invitacion pa sector priva y NGO

Workshop di Comunicacion Strategico di SDG-2



GOBIERNO di Aruba pa medio di SDG Commissie Aruba den colaboracion cu Nacionnan Uni ta organisando un workshop riba e thema “Raising SDG Public Awareness”.

E workshop tin como meta pa aumenta e conocimiento y crea conscientisacion tocante e Metanan Mundial pa Desaroyo Sostenibel (SDG) 2030 di Nacionnan Uni. Aruba como pais autonomo den reino Hulandes tambe a uni su mes na logra e metanan aki.

Ken por participa?

SDG Commissie Aruba ta invita companianan, organisacionnan, NGO's y prensa pa inscribi un representante cu ta traha den e area di Comunicacion, PR, Marketing of di Maneho (policy) pa acudi na e workshop.

Contenido di e workshop

E participante lo siña strategianan di Comunicacion con pa aplica e conocimiento di SDG's den e empresa of organizacion y evidence based communication. Como tambe e balor di crea partnerships, best practices y hermentnan y di e forma aki contribui na conscientisacion di e Metanan Mundial pa Desaroyo Sostenibel.

Dia: 27 di maart 2024

Orario: 1 PM pa 4.30 PM

Luga: DEACI / Directie Economische Zaken, Handel en Industrie @ Sun Plaza Mall. Costo: gratis

Pa registra por bishita e pagina di Facebook of Instagram di SDG Aruba of klik riba e link yena e formulario: <https://forms.gle/f4yNDYQQafjoqwCs7>.

Importante pa tene cuenta

Pa motibo cu e cuponan ta limita y nos compromiso pa e cursistanan refleha e diversidad di nos comunidad nos ta implementa un proceso di seleccion y e principio di “first come first serve”. Asina ta registra lo mas pronto posibel pa forma parti di e workshop dinamico riba e area di Comunicacion Strategico di SDG's ofreci completamente gratis door di Nacionnan Uni.

Trahando hunto na e Metanan Mundial pa Desaroyo Sostenibel di Nacionnan Uni, Aruba tambe por logra e metanan pa aña 2030. Pa mas informacion kico e SDG ta y kico e ta encera por bishita e siguiente link: <https://sdgs.un.org/goals>

Bishita e website di SDG Aruba <https://sdgaruba.com/pages/> y conoce un poco mas di e iniciativanan di Aruba pa logra e Metanan Mundial pa Desaroyo Sostenibel di Nacionnan Uni.

Aruba Innovation Summit 2024 a conta cu un sala completamente yen


DIARANSON mainta, Prome Minister Evelyn Wever-Croes a atende e Aruba Innovation Summit 2024, organisa pa Gobierno di Aruba y Futura. E tema di e evento tabata “EVOLUCION”, y a enfoca riba Inteligencia Artificial (AI), y con lo por traha hunto cu tecnologia y cu otro ser humano.

E conferencia aki a conta cu tres orador, cu a entretene e publico cu informacionnan importante riba e topico di innovacion y AI. E oradornan tabata señora Amy Gallo, un Best-Selling Author y un Workplace expert, cu a comparti su experticio riba maneho di situacionnan dificil y solucion di conflicto. Señor Eduardo Sanchez, Senior Vice President & Head of Cyber & Intelligence di Mastercard Latin America & Caribbean, a enfoca riba e uzo di AI pa seguridad ciberneticu. Y señora Luenne Gomez-Pieters., Directora di Departamento di Impuesto na Aruba cu a toca e tema “Liderando cambio y innovacion”.

Prome Minister a indica cu na inicio di gobernacion di Gabinete Wever-Croes a pone innovacion “front and center”, dunando e topico aki tur atencion necesario. E tema di AI ta uno importante, pasobra ya caba e sistema aki ta tuma over na momento cu un persona den su bida priva of pa trabou subi un plataforma pa busca informacion. Si ripara, den e siguiente dianan e informacion/topico aki cu a ser busca, ta sigui aparece riba e plataforma ey. P’esey ta importante pa tur hende, incluyendo Gobierno, siña con pa uza AI na nan beneficio, mirando cu e por ta di gran ayudo, enbes di ta un reto.

E otro aspecto importante di AI ta pa seguridad ciberneticu, mirando cu mas digitalisa e proceso nan ta, mas grandi e chens ta cu informacionnan y data sensitivo, manera informacion di salud di un persona, of informacionnan personal di Gobierno y organisacionnan, por wordo perdi of horta. Seguridad ciberneticu ta proteha data importante, manteniendo asina e integridad di e departamentonan di Gobierno y organisacionnan priva.

“Mi ta hopi contento cu Futura a organisa e evento aki cu e tema “EVOLUCION”, cu ta un tema asina importante. E sala tabata completamente yen, mustrandu asina cu hopi hende ta interesa den siña mas riba e tema di AI. Mi ta felicita Futura cu un otro conferencia exitoso, y sa cu Gobierno lo sigui coopera pa asina yuda engrandecere e conocimiento pa loke ta e tema di innovacion. Mi ta gradici tur esnan cu di un of otro manera a haci e conferencia aki posibel y na tur esnan cu a participa”, Prome Minister a expresa.



Hadrin di Alimentacion na IPA

Inversion den nos docentenan ta un inversion directo den e futuro di nos isla



DIASABRA 16 di maart 2024, studiantenan di Instituto Pedagogico Arubano (IPA) a uni forsa pa planta nan hardin di alimentacion den cuadro di e proyecto di agroforesteria. E dia aki ta coincidi cu Aruba Doet, un recordatorio poderoso di e forsa di comunidad y e importancia di esfuerso colectivo p'e bienestar di nos isla.

E inclusion di Instituto Pedagogico Arubano (IPA) den e proyecto di agroforesteria ta un paso adelante den formacion di nos futuro docentenan. Ta ofrece nan e hermentnan necesario pa duna les tocante agricultura sostenibel y siguridad di alimentacion, inspirando asina e siguiente generacion cu e importancia di cuida nos medio ambiente y provee pa nos mes.

Preparacion p'e plantamento a inclui un presentacion tocante e practica di agroforesteria, dunando studiantenan y docentenan un bista profundo riba e beneficianan y mantencion di e hardin di alimentacion, y e meta final di e proyecto. E participacion di varios maestronan ta subraya e compromiso di IPA cu educacion integral y aplicabel na bida real.

Segun Minister Ursell Arends, encarga cu Sector Primario, *“E iniciativa di introduci agroforesteria den nos scolnan ta un paso grandi pa incorpora practicanan di agricultura sostenibel den e educacion di nos hobennan. Cada inversion den nos docentenan ta un inversion directo den e futuro di nos isla, y mas importante, den e futuro di nos muchanan.”*

E fruto di e proyecto ya ta visibel den e dedicacion di e comunidad escolar, e esfuerso incansabel di boluntarionan, y e apoyo di partnernan di proyecto, esta Santa Rosa y Living Soil. Un palabra di gradicimento ta bay na maestronan di IPA, esta Jantine de Groot, Gregory Goedgedrag y Marilyn Richardson.

Hunto nos ta sembrando simia pa un futuro unda cada hoben tin e conocimiento y pasion pa mantene nos siguridad di alimentacion. E hardin di alimentacion na IPA no ta simplemente un proyecto; e ta un simbolo di speransa, innovacion y un compromiso pa un Aruba mas autosuficiente.

Perspectiva di Aruba

Dia Internacional contra Racismo y Discriminacion

DIA 21 di Maart di cada aña ta celebra mundialmente Dia Internacional contra Racismo y Discriminacion, un dia dedica na conscientisacion y lucha contra racismo y discriminacion den tur su forma. E dia aki ta recorda nos cu trata tur hende cu igualdad y respet pa diversidad t'e balornan fundamental cu mester wordo busca den tur sociedad.

Fondo Historico

Origen di Dia Internacional contra Racismo y Discriminacion ta bay bek te 21 di Maart di 1960, ora polis na Sharpeville, Zuid Africa, a tira riba un grupo di manifestante pacifico cu tabata protesta contra e leynan discriminatorio di apartheid. E evento tragico aki a resulta den morto di 69 hende y fuera di 180 hende herida. Despues di esaki Nacionnan Uni a declara e dia aki como Dia Internacional contra Racismo, na memoria di e victimanan di e masacre di Sharpeville y como un oportunidad pa muestra solidaridad den e lucha contra racismo y discriminacion mundialmente.

Racismo y Discriminacion na Aruba

Den Caribe, incluyendo Aruba, conscientisacion y lucha contra racismo y discriminacion ta un topico cu ta wordo subestima. Aunke Aruba ta conoci pa su cultura hospitalario y sociedad multicultural, tin tambe e desafionan riba e tereno di racismo y discriminacion.

Racismo y Discriminacion ta bay mas leu cu solamente un palabra cu un pasado tristo; e ta penetra sociedad y ta laga cicatriz cu ta keda prevalence pa varios generacion. Ainda na aña 2024 Aruba ta den grip di diferente forma di discriminacion, cu ta ilustra cu e lucha contra prehuicio ta leu di keda cla.

Un ehempel claro di discriminacion den nos sociedad ta xenofobia. Aruba, como un isla cu un industria turistico prospero y economia creciente, ta atrae un cantidad grandi di migrante, mayoria for di e paisnan bisiña di Latinoamerica y Caribe, buscando trabou y miho condicion di bida. No obstante nan contribucion na economia y sociedad, algun migrante ta wordo enfrenta cu discriminacion, exclusion, abuso y prehuicio, tanto riba tereno di trabao como den bida diario. Esaki ta keda demonstra den expresion denigrante manera "bay bek bo pais." E mentalidad di division aki ta keda influencia un parti di nos poblacion, creando un cultura di miedo y hostilidad pa esunnan cu ta wordo considera como stranhero.

Tambe e comunidad LGBTQ+ ta enfrenta dia tras dia un lucha continuo na frontera di nos isla. Aunke tin progreso den algun area, discriminacion basa riba orientacion sexual y identidad di genero ta sigui persisti, pa frena inclusion y aceptacion completo di tur hende, independientemente di ken nan ta stima of con nan ta identifica nan mes.

Ademas, e espectro di discriminacion racial ta colga riba nos, afectando e comunidadnan di colo y manteniendo herarkia social. Te ora tur hende wordo trata cu dignidad y respet, independientemente di nan colo di

cuero, e reisan di discriminacion lo sigui mina nos progreso como sociedad.

Adicionalmente, discriminacion di clase social y actitud "machismo" integra ta contribui na mantencion di desigualdad y inhusticia. E creencianan desactualisa aki ta marginalisa cierto grupo, frenando nan acceso na oportunidad y manteniendo un ciclo di discriminacion.

Como residenten di un comunidad insular, ta nos deber pa uni y eradica e simianan di discriminacion prome cu nos husga otro. Esunnan cu a tin e privilegio pa experencia bida den exterior, por tin conocimiento di primera mano tocante discriminacion, subrayando e urgencia pa accion den nos mes fronteranan.

Nos tin e poder pa desmantela cualkier forma di discriminacion cu ta mancha nos sociedad. Pa fomenta inclusion, empatia y comprension, nos por crea un comunidad unda cada individuo ta wordo balora y respeta. Laga nos para hunto, man den man, pa eradica discriminacion den tur forma y pone caminda pa un futuro mas briyante y mas husto pa Aruba y pa mas leu.



A.T.A. ta gradici e comunidad di Aruba cu participacion den encuesta di 'Local Sentiment'

Duna bo feedback pa medio di e encuesta of comunicando cu A.T.A. directamente

A.T.A. ta tuma e oportunidad pa gradici e comunidad local pa participacion na e encuesta di 'Local Sentiment'. A.T.A. su maneho ta ilustra cu investigacion ta keda un punto importante. E ta yuda e organizacion den fiha posicion y maneho, pa asina entre otro facilita desaroyo pero tambe provee conseho, y influencia esaki unda por. Feedback cu ta colecta ta di sumo importancia.

Ta importante colecta feedback di local y bishitantenan entre otro. Na 2015, A.T.A. a amplia su "scope" pa asina inclui un A.T.A. mas presente riba e panorama local. Na 2016, A.T.A. a cana e trayecto extenso di 'Cu Mira pa Futuro' caminda cu e comunidad local a participa activamente. Aki ta caminda cu e comunidad a trece dilanti hopi accionnan cu ta desea di mira den futuro. Accionnan cu te ainda ta inclui den e maneho di A.T.A. Alabes, ta conduci diferente investigacionnan anualmente, periodicamente y regularmente, caminda ta señala resultadonan positivo y preocupacionnan debidamente, esaki ta inclui parti di e preocupacionnan cu ta presente actualmente. A.T.A. ta hopi orguyoso di e ekipo di profesionalnan cu ta pone hopi enfoca riba trayecto di investigacion; hopi accionnan ta inclui den diferente rapportnan y maneho nacional. Pues no solamente puntonan ta resulta den plannan di A.T.A. pero tambe por ehempel den Plan maestro di Aruba "Repositioning Our Sails", den e plan y ley di zonificacion di Aruba (ROP/ROPv), den maneho economico y mas.

Satisfaccion y feedback di nos bishitantenan ta wordo colecta di diferente manera. A.T.A ta analisa mensualmente e 'Guest Experience Index', y recientemente via e 'Visitor Sentiment Research' cu a midi crowdedness den 14 area na Aruba. Pero tambe A.T.A. ta conduciendo focus groups actualmente. E resultadonan di e ultimo estudio a wordo comparti januari.

Pa locual ta trata 'Local Sentiment Research', esaki ta bira e di tres biaha cu A.T.A. ta conduci e encuesta. Pa yega na esaki ta compila informacion di diferente manera y entre otro ta benchmark locual otro destinonan ta aplica. Den e caso aki a por ehempel tuma nota di locual e pais di Hawaii a haci, un pais cu retonan mara na exito den e industria turistico. A.T.A. ta utiliza e encuesta, y e metodlogia di e encuesta di Hawaii pa loke ta formulacion di encuesta di Local Sentiment di Aruba. Banda di ta utiliza e ehempel di e metodlogia di Hawaii, ta consulta otro plataforma/ destino pa asina formula/ saca informacion cu ta util pa e isla di



Aruba.

Durante e siman binidero, A.T.A. lo acerca diferente schoolnan pa asina yega mas cerca di e hubentud, caminda cu lo enfoca riba nan pensamiento, sea positivo of cualkier preocupacion cu nan lo por tin.

A.T.A. ta reconoce y ta consciente cu tin hopi retonan como tambe oportunidadnan presente, es decir hopi trabou cu mester wordo realisa. A.T.A. ta invita bo persona pa participa na e encuesta. Laga bo bos resona via link: <https://bit.ly/4aaajZY> of riba nos pagina social: Aruba Tourism Authority. Tambe por e-mail Melanie Evans-Kelly na m.kelly@aruba.com pa cualkier feedback.

Addonsito tawata live den Nacht van KRO NCRV na Hulanda



ANTESALA di Aruba su dia nacional, un di e radionan mas scucha na Hulanda, cu promedio 2.5 miyon scuchado, a invita menter di Geschiedenis Addonsito Croes di Filomena College

Mavo, p'e por a duna un splicacion, na Hulandes, di con Aruba a yega na su simbolonan nacional.

Esaki tawata den e nachtprogramma di Radio 1 NCRV KRO di Dj Benji Heerschop.

Addonsito tawatin e honor di splica pa 10 minuut un tiki dje historia y nificacion di nos simbolonan nacional, cu ta e himno y nos bandera. E segmento a cuminsa cu un fragmento di nos himno Aruba Dushi Tera.

Den su entrevista, Addonsito a conta con e deseo pa separacion a cuminsa aki na Aruba desde e tempo cu nos tawata forma parti di Colonia Corsou y cu tawata e 2147 firmantenan, na

1948, esunnan cu a duna inicio na Aruba su separacion, bou guia di sr. Shon A Eman dfm.

Tambe el a conta con su omo sr. Betico Croes dfm. ta esun cu a bini cu e idea pa Aruba por tin su mesun himno y su bandera, inculcando di e forma aki e amor patriotico den nos pueblo. Aki el a stimula mas ainda e deseo pa nos no forma parti mas di Antias Hulandes. Na final dj Benji a gradici'e cu el a tuma su tempo educando tur scuchado algo di e isla cu tambe ta forma parti di Reino Hulandes. Ainda por scucha e entrevista aki na www.nporadio1.nl fragmenten: Dag van de vlag en het volkslied op Aruba.

Minister Geoffrey Wever hunto cu delegacion oficial a sali pa Hulanda p'e Aruba Investment Summit 2024

E delegacion oficial di Aruba p'e Aruba Investment Summit 2024, lidera pa minister Geoffrey Wever, acompaña pa VNO y Camara di Comercio, a sali diamars atardi rumbo pa Den Haag, Hulanda. Durante su estadia, e delegacion lo participa den varios reunion y encuentro importante na banda di e evento principal, e Aruba Investment Summit.

E proposito principal di e biahe ta pa promove Aruba como un destino atractivo pa inversion, destacando e oportunidadnan unico cu nos isla ta ofrece.

Minister Wever y su ekipo lo reuni cu potencial inversionista pa discuti posibilidadnan di cooperacion y pa explora maneranan pa fortalece e posicion di Aruba como un hub economico dinamico y sostenibel.

E Aruba Investment Summit ta un plataforma esencial pa destaca e bentahanan competitivo di Aruba, incluyendo



su ubicacion strategico, y un clima empresarial faborabel.

A traves di e encuentronan programa, e delegacion ta spera di atrae inversionnan significante cu lo contribui na crecimiento economico sostenibel pa tur Arubiano.

Nos lo mantene comunidad na altura di

e ultimo desaroyo rond di e mision pa Hulanda.



Parlamentario
Alvin Molina (MEP):
**Un bunita
cancha,
ban cuid'e**

VILLAGE Basketball Court sigur t'e resultado di un bon colaboracion entre diferente departamento cu ta resorta bou di Minister Endy Croes. Nos por corda con e cancha tabata deplorabel y peligroso pa e habitantenan di Village y bisindario.

Awe nos por wak cu e cancha ta un hoyo di proyecto. E trayecto no tabata uno facil y cu recurso financiero limita, pero e minister a demostra cu ora tin e deseo, disciplina, dedicacion y determinacion ta logra e meta comun. Nos por wak bek riba un proyecto exitoso na bienestar di e mucha- y hobennan di San Nicolas. Durante mi bishitanan na e cancha mi por mira e muchanan den barío contento ta practicando deporte.

Loke falta ainda ta un bari di sushi, cual ta importante p'esnan cu ta frecuente e cancha aki, por deshaci di nan desperdicio. Tambe, falta e gol di futbol y un net di volleyball. Sigur un plan di MANTENCION ta di vital importancia pa asina nos por gosa di e cancha pa hopi aña.

Esaki mester ta un colaboracion entre e habitantenan, esnan cu ta haci uzo di e cancha deportivo y gobierno. Mi ta invita e habitantenan di Village y bisindario pa e apertura oficial cu ta tuma luga **diabierna 22 di maart** di 5:30pm pa 7:30pm.

Danki na Minister Endy Croes y su ekipo pa duna oido na nos peticion y pa ehecuta e bunita proyecto aki. Alabes mi ta gradici e habitantenan di Village y bisindario pa nan pasenshi y "input".



Malta Balashi ta uni forsa cu Fundacion Ban Uni Man pa Cria Nos Muchanan

MALTA Balashi ta orguyoso di comparti su aliansa cu Fundacion Ban Uni Man pa Cria Nos Muchanan, un organisacion cu e meta di provee mas tanto mucha den necesidad posibel cu un desayuno tur dia. Malta ta un producto iconico pa e comunidad di Aruba, cu a compaña nos durante nos infancia te na grandi y cu a refresca nos riba schoolplein cu nos amiguitonan como tambe cu nos dushi pastechi manera t'e tradicion di mainta.

Actualmente tin un total di 812 mucha bishitando 65 scol rond di Aruba cu Ban Uni Man pa Cria Nos Muchanan ta provee cu desayuno. E aliansa entre Malta Balashi y Ban Uni Man pa Cria Nos Muchanan ta estableci desde aña 2023 dunando apoyo financiero mensualmente na e organisacion pa nan por sigui cumpli cu nan meta di alimenta mas tanto mucha den necesidad posibel.

Pa por sigui engrandecé e apoyo na e organisacion, Malta Balashi ta extende e aliansa pa inclui e pueblo di Aruba. Cu cada compra di un Malta Balashi, bo ta contribui financieramente na Ban Uni Man pa Cria Nos Muchanan, percurando cu e organisacion tin e fondonan necesario pa sigui cumpli cu nan meta y demanda actual como tambe cualkier

aumento.

Muchanan cu ta cuminsa nan dia cu un desayuno tin mas energia y cu miho enfoque pa haci nan maximo esfuerzo

pa ta productivo. Bo compra di Malta Balashi por haci e diferencia, creando un impacto positivo pa e futuro di nos muchanan.

“Esaki ta comienso di un aliansa pa un termino largo cu nos producto local Malta Balashi tin cu nos muchanan,” segun Portfolio Coordinator Jessica de Veer.



BREAKFAST LUNCH
JUNGLE
Cafe

**COME IN
WE'RE
OPEN**


**CAYA HARMONIA 1. LOKAAL 2
NOORD (PATRAS CITGO SASAKI)**

Designed by **fitwoso**

@junglecafe

Investigacion Encuanto Violencia Domestico na Aruba

Capitulo 24 - Bo a yega di busca ayudo?



DI e 298 respondientenan inicial cu a contesta e pregunta aki, un total di 234 (78.52%) tambe a experiencia un of mas forma di IPV.

E figura aki ta muestra e resultadonan di e respondientenan cu a contesta e preguntanan tocante IPV.

E opcion ‘famia y amigonan’ tabata esun mas marca (74, 31.62%), sigui pa ‘Reza’(48, 20.51%), sigui pa ‘a busca ayudo cerca polis’ (44, 18.80%); sigui pa a busca ayudo dor di entrega un demanda (23, 9.83%); sigui pa a busca ayudo dor di pidi divorcio (20, 8.55%); a busca ayudo na iglesia/sacerdote/pastoor (18, 7.69%); a busca ayudo cerca dokter di cas (13, 5.56%); a busca ayudo na Departamento di Asuntonan Social (11, 4.70%); a busca ayudo n’e shelter (9, 3.85%), a busca ayudo na Hospital (6, 2.6%); a busca ayudo cu Slachtofferhulp (5,2.14%).

E ultimo pregunta di e seccion aki tabata:

Si bo NO a busca ayudo, dicon NO? E categorianan di contesta tabata:

1. Mi no ta gusta papia riba esaki;
2. Mi no a pensa cu e tabata di e serio ey;
3. Pasobra mi tabatin miedo;
4. Mi no kier traiciona e abusado;

5. Ningun hende por yuda;
6. Mi no sa unda busca ayudo;
7. Mi no tin mester di ayudo;
8. Otro motibo.

Resultado: Dicon bo no a busca ayudo?

E figura aki ta muestra e resultado di e 69 respondientenan cu a contesta e preguntanan tocante NO busca ayudo y cu tambe a contesta e preguntanan tocante IPV, pasobra e ta mas logico cu lo bay tin un motibo pakico nan no a busca ayudo den un relacion abusivo.

E contesta mas raporta riba e pregunta aki tabata cu 18 respondientenan (26.09%), no a considera esaki suficiente relevante/importante, sigui pa “miedo” (16, 23.19%), sigui pa “mi no kier a papia riba esaki” (15,21.74%), sigui pa “mi no tin mester di ayudo” (10, 14.49%), sigui pa “mi no sa unda busca ayudo” (5, 7.25%), sigui pa “mi no kier traiciona e abusado/agresor” (3, 4.35%), y ningun hende por ofrece mi ayudo”(2, 2.90%).



Pollo con Champiñones y Salsa Cremosa

Muslos de pollo bañados en salsa cremosa de champiñones.
Es sencillo y fácil de hacer, y está listo para servir en sólo 30 minutos.

Receta

TIEMPO PREVIO: 5 minutos

HORA DE COCINAR: 1 hora 20 minutos

TIEMPO TOTAL: 1 hora 25 minutos

Ingredientes:

2 muslos de pollo enteros grandes
1 taza de raíz de apio
1 zanahoria grande
1 cebolla grande
1/3 taza de puerro
3 dientes de ajo medianos
2 piezas de clavo
2 cucharadas de mantequilla
2 cucharadas de harina
1/3 taza de crema espesa
1 1/2 tazas de sopa de pierna de pollo
1 1/2 tazas de hongos shiitake
1 cucharada de chalotes
2 cucharadas de perejil
1/3 taza de crema espesa
1/2 cucharadita de sal molida
1/4 cucharadita de pimienta negra molida
1 cucharada de aceite vegetal
2 cucharadas de panceta sin curar cortada en cubitos
1 cucharada de mantequilla
1/2 cucharadita de sal molida
1/4 cucharadita de pimienta negra molida
2 cucharadas de perejil
2 brotes de guisantes
3 rebanadas de rábano cherry belle
2 hojas de acedera roja

Direcciones:

1. Agrega 2 muslos de pollo enteros a una olla y deja hervir. Quita la escoria. Corta la raíz de apio, las zanahorias, la cebolla y el puerro en trozos. Agrega a la olla y luego agrega 3 dientes de ajo y 2 trozos de clavo. Tapa la olla y deja cocinar a fuego lento durante 1 hora.

2. Transfiere las piernas de pollo a un plato y déjalas a un lado. Filtra la sopa con un colador de tapa. Triture las verduras cocidas en el colador y guarde la sopa para usarla más tarde.

3. En una cacerola, agrega 2 cucharadas de mantequilla. Cuando la mantequilla se derrita, agrega 2 cucharadas de harina. Cocine hasta que queden burbujas. (Es



mejor cocinar la harina de manera uniforme, de lo contrario, la salsa le dará el sabor a harina). Luego agregue la crema espesa y la sopa de pollo mientras revuelve. Cuando la salsa espese, baje a fuego lento. Déjalo hervir a fuego lento durante 10 minutos. Mientras tanto, revuelva ocasionalmente para evitar que se quemé.

4. Cortar el champiñón, pelarlo y cortar las chalotas en rodajas gruesas, picar el perejil, añadir al plato y reservar.

5. Agregue crema espesa a la cacerola. Sazone con sal y pimienta negra; tape y continúe cocinando a fuego lento.

6. En una sartén mediana agrega aceite vegetal. Agregue la panceta cortada en cubitos sin curar y revuelva hasta que tenga color. Luego agregue la chalota y el hongo shiitake; Salteado. Cuando las chalotas y los champiñones estén dorados, agregue la mantequilla, la sal y la pimienta negra. Termine con perejil picado y transfiera a un plato.

7. Deseche la piel de las piernas de pollo. Corta las piernas de pollo por la mitad de las articulaciones y agrégalas a la cacerola. Cúbrelas bien con la salsa y cocina por 1 minuto.

8. Transfiere las piernas de pollo al plato y rocíe con la salsa. Agrega los champiñones alrededor de las piernas de pollo. Adorne con brotes de guisantes y rábano cherry belle. ¡Servir y disfrutar!



Fortaleza pa Famia

Nada por stroba e proposito y e perfecto boluntad di Dios

LOCUAL e diabel kier haci pa malo, Señor lo cambi'e pa bon. Pasobra Dios ta Dios, y Dios no ta move segun boluntad di hende, ta hende tin cu somete nan mes na e perfecto boluntad di Dios. Hende ta propone tur dia, pero ta Dios tin e ultimo palabra, ta Dios ta dispone.

Den Isaias capitulo 14:27 ta para skirbi lo siguiente: Pasobra e Señor di ehercitonan a planea, y ken por anula esaki, y pa loke ta su man extendi, ken por hal'e bek?

Den e buki di Job capitulo 42:2 ta para skirbi lo siguiente: Mi sa cu Bo por tur cos, y cu ningun di bo propositonan no por wordo stroba.

Tur locual e rumannan di Hose (Genesis capitulo 37) a haci cu ne pa kita su bida, nan no por a logra nada, alcontrario nan a pushe pa yega na e proposito cu Dios tabatin pa su bida, y den momento di hamber den e pais, Dios uza esun cu a wordo bendi pa Su honra y gloria.

Ora nos ta mira maldad ta avansa, y cuanto hende ta apoya maldad, inmoralidad y malicia, hende por pensa cu maldad lo triunfa, pero ta para skirbi, cu Cristo Hesus ta e Vencedor e Rey di reynan y Señor di señornan. E ta Señor riba tur cos (Filipensenan 2:9-11).

No ta esun cu sali prome, ta gana pero esun cu persevera ta na final esey lo ta esun cu lo ricibi e corona di bida, p'esey nos mester kita nos bista for di riba hende, y mantene nos bista fiho riba Dios, Pasobra ta Señor ta nos unico, refugio y nos unico speransa, Señor ta nos baranca eterno.

Palabra di Dios ta bisa nos:

P'esey mi ta roga boso rumannan, pa medio di e misericordia di Dios, pa presenta boso curpanan como sacrificio bibo y santo, aceptabel pa Dios, cual ta boso sirbishi spiritual di adoracion.

Y no sea conforme e mundo aki, ma sea transforma pa medio di e renobamento di boso mente, pa boso por comproba, kico ta e bon, y agradabel y perfecto boluntad di Dios (Romanonan 12:1-2).

Tur hende mester compronde cu Dios, no ta sostene maldad, Dios no ta sostene inmoralidad, Dios no ta sostene malicia y violencia, asina un hende ta involucra su den mes den cosnan cu Dios no ta sostene e persona ey no ta den boluntad di Dios.



Ta segun e bon ehempel cu un tata duna den cas, su yiunan por copia y bira bon ciudadano, pero ora un tata of mama ta duna ehempel di rebeldia y inmoralidad, yiunan no tin caminda di ricibi bon educacion, y esey ta haci cu mayornan e bes di ta bon ehempel, ta bira piedra di trompica.

Señor ta declara den su palabra : Ami ta Señor kende ta declara e fin for di principio, y for di temponan antiguo, cosnan cu no a wordo haci ainda bisando: Mi proposito lo wordo estableci, y lo Mi cumpli cu tur loke ta agrada Mi (Isaias 46:10).

Tin hopi plan den curason di hende, ma e conseho di Señor esey lo permanece (Proverbionan 19:21).

P'esey no tira boso confiansa afo, cual tin un gran recompensa. Pasobra boso tin mester di perseverancia, pa ora boso haci e boluntad di Dios, boso ricibi loke a wordo priminti. Pasobra denter di masha poco tempo: Esun cu ta pa bin lo bin, y lo no tarda.

Ma e husto lo biba pa medio di Fe.

Y si e hala atras Mi alma no tin placer den dje (Hebreonan 10:35-36).

Sinceramente, Pastor Marcel Balootje

Update riba e Dutch Caribbean Bird Monitoring Project



DUTCH Caribbean Nature Alliance (DCNA) a lansa oficialmente e proyecto “Monitoring for Bird Biodiversity Conservation in the Dutch Caribbean” aña pasa. E iniciativa aki, cual a ricibi sosten di e Ministerio di Agricultura, Naturalesa y Calidad di Cuminda (LNV), tin como meta pa provee e organisacionnan local di maneho di naturalesa na Aruba, Boneiro, Corsou, Saba, Sint Eustatius y Sint Maarten cu herment pa monitor y proteha activamente e poblacion di parha riba tera, como tambe nan habitat. Despues di un prome aña exitoso, tur e islanan ta prepara pa reuni dato den proximo primavera. E proyecto dinamico basa riba ciencia no solamente ta facilita recoleccion di dato, sino tambe analisis y compartimento di conocimiento tocante tendencia den dato di poblacion di parha, duna un bista mas profundo riba e salubridad medioambiental di tur seis isla Hulandes Caribense.

Den 2024 lo colecta dato riba tur seis isla entre maart y april. E proyecto ta spera di continua te cu e prome kwartaal di 2028. E iniciativa ta uza entrenamiento mehora, programa di monitor standarisa y investigacion riba veld pa brinda un bista valioso tocante e salud di ecosistema local. Door di evalua e relativo abundancia, composicion di especie y cambio den medio ambiente, e ta brinda un bista unico riba e salud general di e ecosistema.

Ta notabel cu na aña pasa. tabatin hallazgo interesante for di encuesta. Na Aruba y Boneiro, pa ehempel, a registra menos especie durante herfst cu durante primavera. Sinembargo, na Corsou a mira mas especie durante herfst, y rikesa riba especie a keda un tiki mas halto riba e substrato di lava.

E proyecto aki, cu ta ricibi sosten di DCNA y Ministerio di LNV, ta hunga un rol crucial den recoleccion di dato tocante poblacion di parha terrestre cu ta cria riba tur seis isla Hulandes Caribense. Lo suministra decision politico cu herment pa planea plan di conservacion a largo plaso mas efectivo pa especie local. Pasa tempo, tendencia di poblacion lo duna e parkenan e oportunidad pa considera si ta necesario pa implementa strategia di conservacion (adicional) pa especie raro of cu ta baha den cantidad.

Pa mas informacion y entrevista, e interesadonan por tuma contacto cu research@DCNAnature.org.



Aurora
Royal Pray
Funeral Home & Crematory

Gradicimento y Invitacion

Pa medio di esaki famia kier a gradici tur esnan cu di un of otro manera a duna nos atencion durante enfermedad y na ora di fayecimento di:

Federica “Ica” Fingal

Gradicimento ta bay na tur esnan cu a manda flor, krans y mensahenan di sosten Tambe nos ta gradici tur e dokternan y verpleegsters di ICU.

Un danki di curason na tur famia, bisiña, amigonan y conocirnan cu di un of otro manera a duna nos sosten y forsa den e momentonan dificil aki.

Nos kier a gradici staff y personal di Aurora Funeral Home pa na servicio y asistencia.

Alavez nos ta invita pa 3 Santo Sacrificio di Misa cu lo tuma lugar:
Diabierna 22, Diasabra 23, y Diadomingo 24 di Maart 2024 na Misa San Francisco pa 7'or di anochi pa Descanso di Ica su alma.

Boso presencia lo ta altamente aprecia.





"Dios ta amor y amor ta Dios, maske mi no ta na e mundo aki mas, tur dia lo mi ta banda di boso curazon, mi por stens di loke Señor ta haci" Salmo 33

Cu inmenso tristeza na nos curason, nos ta participa fayecimento di nos ruman y omo stima:

Rosimbo Werleman

Cariñosamente conocí como "Ronny of Oï"
✠06-05-1959 – †09-03-2024

Ex-trahado di Telefondienst

Na number di su

Mayornan:

† Margaritha

† Genaro Werleman-Everon

Rumannan:

Beto Rafini

† Fransisco Rafini

Irena y † Emitterio "Emi" Boekhoudt-Rafini

Yolanda y Miano Croes-Rafini

Esteban Rafini

Franklin y Ana Werleman-Díaz

Subrinonan:

Lisette Boekhoudt

† Emilio "Gino" Boekhoudt

Sharon Boekhoudt

Chamila Croes

Oswin Croes

Sheila Rafini y Albert

David Rafini y Anushka

Jenny Rafini

Junior Rafini

Jonathan Werleman

Alexander Werleman

Renny Werleman y Famia

Tantan:

Remacla Everon y Famia

Sira y Eloy Dania y Famia

Tanta Nichi Everon (na Hulanda)

† Juana y Otilio Lacle y Famia

Padrino: Charles Dake

Madrino: † Maria Everon Santana

Tur sobre subrino/a, primo/a y demas famia y conocido na Aruba y Hulanda.

Bon amigo: Mito Croes y Tilo Boekhoudt

Su 2 cacho nan stima: Muñeca y Princesa

Demas famia: Werleman, Rafini, Boekhoudt, de Oliveira e Silva, Croes, Diaz, Dania, Lacle, Everon.

Nos disculpa si den nos tristeza nos por a lubida algun of otro familiar.

Acto di entierro lo tuma lugar **diasabra 23 Maart 2024** na misa Santa Filomena na Paradera.

Nos defunto stima lo reposa di 9am pa 11am na misa Santa Filomena pa despues sigui pa su ultimo lugar di sosiego na Santana Catolico Pastoor Kraanwinkel Paradera.

Lamentablemente nos no por ricibi bishita di condolencia na cas despues di entierro.



A great soul serves everyone all the time.
A great soul never dies. It brings us together again and again.

Cu inmenso tristeza na nos curason,
nos ta anuncia fayecimento di:

Luis Martinus Figaroa

*14-07-1950 - †17-03-2024

Na number di su

Mayornan: † Silverio y † Francisca Figaroa

Na number di su senora: Agnes Figaroa – Stultiens

Su yiu stima: Maikel Figaroa y Alex de Kok

Rumannan:

† Juan Brete

Violeta "Ola" Figaroa y yiunan

Maria "Liesje" Figaroa y Oscar Gomez y yiunan

Emelina "Emmy" Figaroa

Carmen y Axel "Doei" Jansen y yiunan

Teresita "Treesje" Figaroa y yiu

Edwigia "Wia" y Stanley Rosina y yiunan

† Theodoor "Buchi" Figaroa

Benjamin "Jimmy" y † Liesje Figaroa y yiunan

Lourdes "Luchi" Figaroa y † yiu

Irene Figaroa

† Johnny Figaroa

Mart Stultiens y Annie van Dooren

Tanta stima:

Fortunata "Nata" Wolff y yiunan

Maria Lopez y Famia

Su iha:

Marjorie Fingal

Subrino y subrinanan, primo y primanan, amigo/a nan na Aruba y Hulanda.

Demas famia:

Figaroa, Stultiens, de Kok, Wolff, Lopez, Giel, Tromp, Kelly, Herrera, Farro, Hernandez, Ponson, Gomez, Jansen, Oduber, Rosina, Blanco, Urbina, Lacle, Pereira

Condolencia y despedida lo tuma lugar na Aurora Funeral Home, **diahuebs 21 Maart** 2PM – 4PM. Cremacion lo tuma lugar despues.

Nos disculpa si den nos tristeza nos por a lubida di menciona un of otro famia y amistad.

Nos ta lamenta despues di cremacion nos no lo por ricibi bishita di condolencia na cas.



"Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa".
Salmo: 23

Nos ta anuncia fayecimento di:

Jesmine Maria Vrolijk-Jacobs

*06-12-1956 - †16-03-2024

Acto di entierro lo wordo anuncia despues.



Lagrima y flor por seca, pero su recuerdonan
y tur loke e la hasi pa nos lo keda graba pa
semper den nos mente y curason.

"Cerca Dios mi alma ta na paz. Di djE mi
salbashon ta bini". - Salmo 62:1

Cu profundo tristesa den nos curason, pero
agradecido na Señor pa tur locual e la haci
y significa pa nos. Nos ta anuncia cu a bay
sosega inesperadamente den brasa di Señor,

Oscar

Francisco Wester

*11 augustus 1946 - †16 maart 2024

Na number di su:

Casa:

Elsa Wester-Croes

Yiunan:

Maybeline y Raymond Kock-Wester y famia
Shahaira Wester y famia

Nieta y Nietonan:

Allyah Hassell

Rishair, Rixion, Ryderick Boekhoudt

Ruman:

Tico y Christina De Mei y famia

Cuña:

Yolanda y None Wernet-Croes y famia

Swanan:

Marcial Croes y famia

Marlon (Ronny) y Marlijn Croes-Kock y famia
Edwin Croes

Sobrino y sobrina, primo y primanan, ihanan,
comer y compernan, amigonan, bisiñanan,
ex coleganan di Astec N.V.

Demas famia:

Wester- Croes- Kock- Hassell- Boekhoudt,
De Mei, Ernando, Diaz, Wallé, Koolman,
Wernet, Lopez, De Mey, V/der Linden, Rosel,
Hernandez, Geerman, Dirksz,

Disculpa nos, si den nos tristeza, nos por a
lubida un of mas number of fam di famia.

Acto di condolencia y despedida lo tuma
lugar **diahuebs 21 di maart 2024** na Aurora
Funeral Home di 9:00 A.M. pa 11:00 A.M. y
despues sigui pa Santana Catolica Pastor
Kraanwinkel Paradera.

Nos ta lamenta cu despues di entierro nos no
por ricibi bishita di condolencia na cas.

There are no goodbyes. Where ever
you'll be, you'll be in my heart.

Rest in Peace.



AWEMainta

**Scan nos QR code y
bira abonado di AWEMainta**
Completamente GRATIS

- 1: Usando bo camera di telefon, scan nos QR code na banda.
2. Bay riba "Show Options", "Open in broswer".
3. Yena e formulario.



**Haya AWEMainta
tur dia den bo inbox!**



www.awemainta.com



www.facebook.com/AWEMainta



5880022



info@awemainta.com
noticia@awemainta.com
aviso@awemainta.com